

- (4) Ministarstvo vodi registar osoba koje su ispunile uslove za издавање (продужење) лиценце за рад овлашћеног процјениоца.
- (5) Министарство води регистар привредних друштава за процјенивање економске вриједности и издаје лиценце за рад. У регистар се уписују све промјене. Подаци из регистра су јавни.

VI - ЗАВРШНЕ ОДРЕДБЕ

Члан 21.

Ступање на снагу и примјена

Ова уредба ступа на снагу осмог дана од дана објављивања у "Службеним новинама Федерације БиХ".

В. број 950/2013

03. септембра 2013. године

Сарајево

Премијер

Нермин Никшић, с. р.

На основу члана 19. став 1. Закона о Влади Федерације Босне и Херцеговине ("Службене новине Федерације БиХ", бр. 1/94, 8/95, 58/02, 19/03, 2/06 и 8/06), на приједлог федералног министра правде, Влада Федерације Босне и Херцеговине, на 81. сједници, одржаној 03.09.2013. године, доноси

UREDBU

O PROCJENJIVANJU EKONOMSKE VRIJEDNOSTI PRAVNIH OSOBA, IMOVINE, OBAVEZA I KAPITALA

I - OSNOVNE ODREDBE

Члан 1.

Опће одредбе

Овом уредбом се уређује дјелатност процјенивања економске вриједности правних особа, имовине, обавеза и капитала (у даљем тексту: процјенивање економске вриједности) као независног и самосталног занимања овлашћених процјениоца, њихова овлашћења и обавезе.

Члан 2.

Процјенивање економске вриједности

- (1) Процјенивање економске вриједности је укупност процјениоцаког рада с циљем утврђивања фер-вриједности правних особа, имовине, обавеза и капитала.
- (2) Процјенивање економске вриједности је дјелатност утврђивања књиговодствене, тржишне, замјенске, ликвидационе и пословне вриједности правних особа, имовине, обавеза и капитала на основу вјеродостојне документације, физичке способности предмета процјене и будућих новчаних примитака и издатака. Основно начело процјене економске вриједности јест, да правна особа, имовина, обавеза или капитал имају економску вриједност, ако стварају економске ућинке.
- (3) Процјенивање економске вриједности подразумијева и послове презентације резултата процјене пред управним, судским, банкарским и другим тијелима према њиховим захтјевима.

Члан 3.

Овлашћени процјениоци

Овлашћени процјениоци су физичка особа која обавља дјелатност процјене економске вриједности чији су статус и дјелатност уређени овом уредбом.

II - POSLOVI I OVLAŠTENOSTI OVLAŠTENIH PROCJENITELJA

Poslovi i ovlašteneosti ovlaštenih procjenitelja

Члан 4.

Овлашћени процјениоци

- (1) Овлашћени процјениоци су едукацијом оспособљени и испитом провјерени квалификовани стручњаци за обављање свих облика

статиичке и динамичке процјене економске вриједности правних особа, имовине, обавеза и капитала. Овлашћени процјениоци могу обављати процјену економске вриједности самостално и као водитељи или чланови процјениоцаких тимова.

- (2) О услугама овлашћених процјениоца обавезно се склапа уговор у писаном облику.
- (3) Овлашћени процјениоци у оквиру уговора из става 2. овог члана има овлашћења и дужности обављати процјену економске вриједности правних особа, имовине, обавеза и капитала.
- (4) Овлашћени процјениоци могу, уз пристанак наручиоца, тумачити резултате процјене и учињеног поступка процјене свим корисницима елабората о процјени (банке, државна тијела, синдикати, осигуравајуће организације, власници капитала, улагачи и др.).

Члан 5.

Sticanje odobrenja za rad

Процјеном економске вриједности могу се бавити само физичке особе којима је Федерално министарство правде (у даљем тексту: Министарство) издало лиценцу за рад.

Члан 6.

Osobe ovlaštene za procjenjivanje ekonomske vrijednosti

Дјелатност процјенивања економске вриједности у складу са одредбама ове уредбе може обављати:

1. овлашћени процјениоци који дјелатност процјенивања економске вриједности обављају као самосталну дјелатност;
2. привредно друштво у којем је у радном односу најмање један овлашћени процјениоци.

III - USLOVI ZA OBAVLJANJE POSLOVA OVLAŠTENOG PROCJENITELJA

Члан 7.

Opći uslovi za obavljanje poslova procjenjivanja ekonomske vrijednosti

- (1) Овлашћени процјениоци могу постати особа која испуњава опће и посебне услове прописане овом уредбом.
- (2) Овлашћени процјениоци мора испуњавати слjedeће опће услове:
 1. да има пословну способност;
 2. да је држављанин Босне и Херцеговине;
 3. да говори хрватским, босанским и српским језиком и пишу латиничним или ћириличним писмом и другим језиком и писмом који је у службеној употреби на подручју на којему треба обављати дјелатност;
 4. да није кажњен за кривична дјела против имовине, против сигурности платног промета и пословања, против правосуда, против вјеродостојности исправа те против службене дужности, и то за вријеме од пет година по правоснажности пресуде којом је осуђен, с тиме што се у том вријеме не рачуна вријеме проведено на издржавању казне или да против њега није изречена мјера сигурности забране обављања занимања које је у потпуности или дјелимично обухваћено предметом процјене економске вриједности.

Члан 8.

Posebni uslovi za obavljanje procjene ekonomske vrijednosti

- (1) Уз опће услове из члана 7. става 2. ове уредбе, овлашћени процјениоци мора испуњавати и слjedeће посебне услове:
 1. да је дипломирани економист, дипломирани правник или дипломирани инжењер, с дипломом факултета признатом у Босни и Херцеговини и најмање пет година радног искуства на пословима везаним уз процјенивање економске вриједности;

2. da je završio pripremnu nastavu i položio ispit za ovlaštenog procjenitelja (u daljem tekstu: ispit) u skladu sa ovom uredbom i dobio propisani certifikat i licencu za rad.
- (2) Pod radnim iskustvom na poslovima ekonomskog procjenjivanja iz stava 1. tačke 1. ovog člana, podrazumijeva se rad na primjeni ekonomskih, pravnih i inženjerskih metoda procjenjivanja ekonomske vrijednosti pravne osobe, imovine, obaveza i kapitala ili druge poslove vezane uz procjenjivanje ekonomske vrijednosti.

Član 9.

Ispit za ovlaštenog procjenitelja

- (1) Pripremnu nastavu i polaganje ispita u smislu odredbi člana 8. ove uredbe organizuje i provodi Savez računovođa, revizora i finansijskih djelatnika Federacije Bosne i Hercegovine (u daljem tekstu: Savez) po nalogu i pod nadzorom Ministarstva.
- (2) Ispit se polaže pred komisijom koja se sastoji od najmanje tri člana, a imenuje je Ministarstvo na prijedlog Saveza. Članovi komisije su ovlašteni procjenitelji, istaknuti naučnici i stručnjaci iz ekonomske i inženjerske teorije i prakse.
- (3) Ispit se polaže prema programu koji predlaže Savez, a donosi Ministarstvo.
- (4) Troškove ispita snosi osoba koja polaže ispit. Visinu troškova utvrđuje Ministarstvo na prijedlog Saveza.
- (5) Način, mjesto i postupak polaganja ispita propisuje Ministarstvo na prijedlog Saveza.
- (6) Nadzor nad zakonitošću organizovanja i provođenja ispita, te stručni nadzor provodi Savez.

Član 10.

Certifikat i licenca ovlaštenog procjenitelja

- (1) Osobi koja ispunjava opće i posebne uslove iz ove uredbe, te položi stručni ispit, u skladu sa ovom uredbom, Savez izdaje certifikat, a Ministarstvo izdaje licencu (dozvolu za rad) ovlaštenog procjenitelja.
- (2) Ovlašteni procjenitelj je ovlašten i dužan u pravnom prometu u poslovnim ispravama istaknuti broj i datum izdavanja certifikata kao i broj i rok važenja licence ovlaštenog procjenitelja. Isto vrijedi i za privredno društvo koje obavlja poslove procjenjivanja ekonomske vrijednosti, koje ističe broj i datum certifikata i broj i rok važenja licence svojeg ovlaštenog procjenitelja.

Član 11.

Prestanak važenja certifikata i licence ovlaštenog procjenitelja

- (1) Status ovlaštenog procjenitelja prestaje:
 1. smrću;
 2. na njegov pisani zahtjev;
 3. gubitkom uslova iz člana 7. stav 2. i člana 8. stava 1. ove uredbe;
 4. ako mu u disciplinskom postupku bude izrečena mjera zabrane obavljanja djelatnosti.
- (2) Do prestanka djelatnosti u slučajevima iz stava 1. ovog člana dolazi:
 1. u slučaju iz tačke 1. - datumom smrti;
 2. u slučaju iz tačke 2. - istekom roka određenog u zahtjevu;
 3. u slučaju iz tačke 3. - datumom gubitka propisanih uslova;
 4. u slučaju iz tačke 4. - pravosnažnošću rješenja.
- (3) Rješenje o prestanku ili zabrane obavljanja djelatnosti u slučaju iz stava 1. tač. 2, 3. i 4. ovog člana donosi Ministarstvo.

- (4) Procjenom ekonomske vrijednosti ne smije se baviti ovlašteni procjenitelj od dana određenog u rješenju iz stava 3. ovog člana.

- (5) Na rješenje iz stava 3. ovog člana ne može se izjaviti žalba ali se može pokrenuti upravni spor.

IV - PRAVA I OBAVEZE OVLAŠTENOG PROCJENITELJA

Član 12.

- (1) Ovlašteni procjenitelj obavlja procjenjivanje samostalno i nezavisno uz odgovarajuću naknadu prema veličini i složenosti predmeta procjene.
- (2) Ovlašteni procjenitelj ovlašten je i obavezan čuvati prava i opravdane zahtjeve svoje stranke u okviru zakonskih propisa i vlastitog uvjerenja.
- (3) Ovlašteni procjenitelj može raskinuti sklopljeni ugovor o pružanju usluga procjenjivanja ako stranka ne sarađuje na način koji osigurava, po ugovoru, ispunjenje preuzetih obaveza ovlaštenog procjenitelja.
- (4) Ovlašteni procjenitelj koji se ne pridržava načela zakonitosti, savjesnosti i stručnosti odgovara prema odredbama Etičkog kodeksa ovlaštenih procjenitelja.

Član 13.

Društvo za procjenjivanje ekonomske vrijednosti

- (1) Poslove procjene ekonomske vrijednosti može obavljati privredno društvo pod uslovom da u radnom odnosu ima najmanje jednog ovlaštenog procjenitelja.
- (2) Saglasnost za ispunjavanje uslova za upis djelatnosti procjenjivanja ekonomske vrijednosti u sudski registar daje Ministarstvo.
- (3) Društvo za procjenjivanje mora obavijestiti Ministarstvo o upisu djelatnosti procjene ekonomske vrijednosti u sudski registar, najkasnije u roku od 15 dana od dana primitka rješenja o upisu.

Član 14.

Nadzor

- (1) Ako Ministarstvo utvrdi da društvo za procjenjivanje čini teže povrede zakona ili Kodeksa etike ovlaštenih procjenitelja može rješenjem zabraniti rad društva te ga po pravosnažnosti rješenja brisati iz registra društava za procjenjivanje iz člana 20. stav 3. ove uredbe.
- (2) Rješenje o zabrani rada društva je konačno i protiv njega se može pokrenuti upravni spor.
- (3) Pravosnažno rješenje iz stava 1. ovog člana Ministarstvo dostavlja nadležnom sudu zbog brisanja društva iz sudskog registra.

Član 15.

Čuvanje isprava

- (1) Ovlašteni procjenitelj obavlja djelatnost na osnovu isprava i podataka dobijenih od stranke.
- (2) Ovlašteni procjenitelj i društvo za procjenjivanje dužni su čuvati isprave koje ne vrate stranci najmanje šest godina od dana njihova nastanka ili zaprimanja.
- (3) Ovlašteni procjenitelj i društvo za procjenjivanje dužni su, nakon proteka roka iz stava 2. ovog člana, sastaviti zapisnik s popisom isprava koje se vraćaju i pozvati stranku radi vraćanja.
- (4) Ako se stranka ne odazove pozivu iz stava 3. ovog člana ili je prestala poslovati, ovlašteni procjenitelj zapisnik s popisom isprava i isprave može predati Ministarstvu ili u nazočnosti člana imenovanog od Saveza, isprave uništiti, čime se oslobađa dužnosti čuvanja.
- (5) Isprave iz stava 4. ovoga člana koje se po posebnim propisima čuvaju trajno, čuvaju se u Ministarstvu.

Član 16.

Čuvanje tajni

Ovlašteni procjenitelj dužan je čuvati kao poslovnu tajnu sve što mu je stranka povjerila ili što je u radu saznao na drugi način. Tajnu su dužne čuvati i druge osobe koje rade ili su radile za ovlaštenog procjenitelja.

Član 17.

Pribavljanje podataka

Državna tijela i pravne osobe za koje se obavlja procjena ekonomske vrijednosti dužne su ovlaštenom procjenitelju dati podatke koji su mu potrebni radi obavljanja poslova u određenom predmetu, ako to nije protivno i na štetu čuvanja službene ili profesionalne tajne davaoca podataka.

Član 18.

Odgovornost ovlaštenog procjenitelja

- (1) Ovlašteni procjenitelj odgovara za svoj rad u skladu sa odredbama ove uredbe i ugovora sa strankom.
- (2) Ovlašteni procjenitelj je dužan u toku kalendarske godine raditi na vlastitom stručnom usavršavanju i pohađati kontinuiranu profesionalnu edukaciju (u daljem tekstu: KPE) u skladu sa Pravilnikom o KPE koji donosi Savez.
- (3) Stranka koja ima primjedbe na rad ovlaštenog procjenitelja može podnijeti prigovor ovlaštenom procjenitelju. Ako ovlašteni procjenitelj ne otkloni propuste iz prigovora u primjerenom roku, stranka može uputiti prigovor Ministarstvu ili svoja prava ostvariti pred sudom. Ministarstvo može pokrenuti odgovarajući postupak protiv ovlaštenog procjenitelja.
- (4) Ministarstvo može izreći disciplinsku mjeru određenu općim aktima Ministarstva ovlaštenom procjenitelju koji ne poštuje odredbe ove uredbe, ili mu privremeno oduzeti odobrenje za rad.
- (5) Ako ovlašteni procjenitelj posumnja u vjerodostojnost pojedine isprave koje mu je stranka dostavila, upozorit će na to stranku, a može raskinuti ugovor o procjeni pozivajući se na odredbe člana 12. stava 4. ove uredbe.

Član 19.

Nastup pred strankom

Ovlašteni procjenitelj u odnosima sa strankom dužan je pridržavati se načela zakonitosti, savjesnosti i stručnosti, te postupati u skladu sa kodeksom etike ovlaštenih procjenitelja i s Ustavom i propisima Federacije Bosne i Hercegovine.

V - ORGANIZACIJA OVLAŠTENIH PROCJENITELJA

Član 20.

Organizacija i članstvo

- (1) Ovlašteni procjenitelji obavezno se udružuju u Savez, kao samostalnu i nezavisnu organizaciju sa svojstvom pravne osobe.
- (2) Savez predstavlja ovlaštene procjenitelje Federacije Bosne i Hercegovine kao cjelinu, te promiče, usklađuje i zastupa zajedničke interese ovlaštenih procjenitelja.
- (3) Savez vodi registar osoba koje su položile ispit za ovlaštenog procjenitelja i kojima je izdat certifikat i prati ispunjavanje obaveze KPE Ovlaštenih procjenitelja, te o istim izdaje potvrdu o ispunjenju uslova za izdavanje licence za rad. U registar se upisuju sve promjene. Podaci iz registra su javni.
- (4) Ministarstvo vodi registar osoba koje su ispunile uslove za izdavanje (produženje) licence za rad ovlaštenog procjenitelja.
- (5) Ministarstvo vodi registar privrednih društava za procjenjivanje ekonomske vrijednosti i izdaje licence za rad. U registar se upisuju sve promjene. Podaci iz registra su javni.

VI - ZAVRŠNE ODREDBE

Član 21.

Stupanje na snagu i primjena

Ova uredba stupa na snagu osmog dana od dana objavljivanja u "Službenim novinama Federacije BiH".

V. broj 950/2013

03. septembra 2013. godine
Sarajevo

Premijer

Nermin Nikšić, s. r.

1539

Na temelju članka 19. stavak 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02 i 19/03, 2/06 i 8/06) i članka 14. stavak 3. Zakona o pravima i dužnostima republičkih organa u korištenju sredstava u društvenoj svojini ("Službene list SRBiH", br. 33/81 i 29/90), koji se sukladno članku IX. 5. (1) Ustava Federacije Bosne i Hercegovine, primjenjuje kao federalni zakon, Vlada Federacije Bosne i Hercegovine, na 80. sjednici, održanoj 26.08.2013. godine, donosi

ODLUKU

**O DAVANJU NA KORIŠTENJE POKRETNE IMOVINE
PRIJAŠNJEG FEDERALNOG MINISTARSTVA
ODBRANE FEDERALNOM MINISTARSTVU ZA
PITANJA BORACA I INVALIDA ODBRAMBENO -
OSLOBODILAČKOG RATA/ FEDERALNOM
MINISTARSTVU ZA PITANJA BRANITELJA I
INVALIDA DOMOVINSKOG RATA**

I.

Daje se na korištenje Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata pokretna imovina prijašnjeg Federalnog ministarstva odbrane opisana u prilogu broj 1. i 2. koji su sastavni dio ove odluke.

II.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 872/2013

26. kolovoza 2013. godine
Sarajevo

Premijer

Nermin Nikšić, v. r.

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 14. stav 3. Zakona o pravima i dužnostima republičkih organa u korištenju sredstava u društvenoj svojini ("Službene list SRBiH", br. 33/81 i 29/90), koji se sходно члану IX. 5. (1) Устава Федерације Босне и Херцеговине, примјењује као федерални закон, Влада Федерације Босне и Херцеговине, на 80. сједници, одржаној 26.08.2013. године, доноси

ОДЛУКУ

**О ДАВАЊУ НА КОРИШТЕЊЕ ПОКРЕТНЕ
ИМОВИНЕ ПРИЈАШЊЕГ ФЕДЕРАЛНОГ
МИНИСТАРСТВА ОДБРАНЕ ФЕДЕРАЛНОМ
МИНИСТАРСТВУ ЗА ПИТАЊА БОРАЦА И
ИНВАЛИДА ОДБРАМБЕНО - ОСЛОБОДИЛАЧКОГ
РАТА/ФЕДЕРАЛНОМ МИНИСТАРСТВУ ЗА ПИТАЊА
БРАНИТЕЉА И ИНВАЛИДА ДОМОВИНСКОГ РАТА**

I

Даје се на кориштење Федералном министарству за питања бораца и инвалида одбрамбено-ослободилачког рата/Федералном министарству за питања бранитеља и